

## يم البنين بكر بلا وش سوى راعي المرجله

كبر واهتز الفلك من صوته ورعيده ولاح بجفه صارمه وقرآن العقيده  
للحومه أبو الفضل طب ينصر عضيده والدم يغلي بمهخته ويمور بوريده  
يبرگ صارمه من فيض الدمه عباس الكفيل  
وفرت شارده ألام العدا وعن سيفه تميل

من عزمه ليث الموزمه تركع الرّوس لصارمه  
دون الوضو متيممه بالترب وبفيض الدمه  
يم البنين بكر بلا وش سوى راعي المرجله

\* \* \* \*

ومن فوگ المهر تلوح الرايه بيمينه أنواره تعشي البصر من غرة جبينه  
يتبخر أبو الفضل حمّاي الضعينه چنه حيدر بالحرب من نظرة عيونه  
صاحت نينوى يا حي اللوا ويا حي الشهم  
عباس البطل بيمينه الأجل شيال العلم

يامرحبا بحامي الدّخيل عباس ساگي السلسبيل  
الشيمه عهدك يا أصيل والثابت اصله ما يميل  
يم البنين بكر بلا وش سوى راعي المرجله

\* \* \* \*

من يشهر سيف الرّدى چنه الموت لحرر وثعبان بيدينه الرّمح يتثنه ويسعر  
يكشف غيم المعركه من يصرخ يحيدر وضيوفه وحش الفلا وچم فارس تجزّر  
بيوم الملحمة تشهد هالسمما وش سوى البطل  
روس تگطعت والله تناثرت من سيف الأجل

دار الضيافه بكر بلا شيدها بن عقد الولا  
للطير ووحوش الفلا وتشهد إله كل الملا  
يم البنين بكر بلا وش سوى راعي المرجله

\* \* \* \*

صوّل بو الغيره وهتف بالعز والحماسه      وخلقى الكاع بكر بلا مكلوب اعلى ساسه  
والراية وسط الحرب وترف اعلى راسه      وبعيونه موج الغضب وتلوح الفراسه  
للعسكر يصد      بالعز منفرد      ميهاب الردى  
سيفه آيته      ونوره بغرته      يرعب هالعدا

روح الفراسه بحيدره      أخذها سبع الكنطرة  
ودم الحماسه اللي جرى      كل الخلايگ تذكره  
يم      البنين      بكر بلا      وش سوى راعي المرجله

\* \* \* \*

راسي ومثلات الجبل متهزه العواصف      وتشهد ليه ابكر بلا أحداث ومواقف  
بس وصل ماي النهر يملي چفه غارف      عاف الماي وما شرب ظل دلالة لاهف  
ترفض غيرته      يروي چبدته      وخبه ماشرب  
بس جوده مله      ودمعه يهمله      وبعيونه الغضب

امحزّم ابسيف اللضى      أومذرع بجمر الغضى  
إلى الخيم گاصد مضى      يروي بنات المرتضى  
يم      البنين      بكر بلا      وش سوى راعي المرجله

\* \* \* \*

گطعوا چفوفه يا وسف خيال الكتايب      وظل حسره يم النهر مرمي اعلى الترايب  
والدم ينزف والكلب من حسراته ذايب      وبعينه سهم العدا يا محزونه ناشب  
نادى بالألم      ليطيح العلم      خايف يا حسين  
ومن ضرب العمود      ومن گطع الزنود      تبگی بلا معين

خارت يخويه      گوتي      وگلت يوسفه حيلتي  
وجاه النداء يا      مهجتي      ارحم دليلي بوحدتي  
يم      البنين      بكر بلا      وش سوى راعي المرجله

\* \* \* \*